


**Муниципальное казенное  
дошкольное образовательное учреждение  
"Гапшиминский детский сад"**

**Конспект организованной образовательной  
деятельности в средней группе по  
познавательному развитию на тему:**

## **«Праздник первой борозды»**

**для детей средней группы.  
(на даргинском языке)**

**Подготовили воспитатели: Исмаилова З.М., Саидова Л.Н.**



**с. Гапшима  
2021 г.**

**Мурад:** ДурхІнас адаб – хІяялаласи бяркъ бедес. Хала бегІтала гІядатуначи, культураличи, фольклорличи, вегІла ВатІайчи диги адикъес, вегІла халкъла культурала хазна мяхІкамбирахъес илди бурсибарес.

**Масъулти:**

**Багъудлуми лугнила:** ДурхІни Дагъистанна халкъла гІядатуначил, миллатла палтарличил ва вегІла шила хъа ваяхІличил тянишбарес, халкъла байрумтала къадри – къимат багъахъес.

**Дагърилизиб гъалабахІ башахънила:** Тарихличи, адамтала гІядатуначи иштяхІ акІахъес, Дагъистанна фольклорла жураби дагъахъес. ДурхІнала мез гъаладяхІ ардукес, хІябкубтани чедицІахъес. Чебиусиличила багъудлуми имцІадарес.

**Бяркъла:** ВегІла ВатІайчи диги, пахру адикъес, цархІилтачи хІурматличил бирахъес. Илдазир адабдешла къиликъуни (хІурмат, гІяхІдеш, бархъдеш, кумекбирни, тІабигІят мяхІкамбирни) адикъес. Миллатла культураличи, халкъла мухІлила пагъмуличи иштяхІ акІахъес.

**ХІядурдеш бирнила хІянчи.**

1. Темабачила ихтилат.
2. Халкъла мухІлила пагъмуличил тянишбарни (вегІла мезличил буралаби, багъираби, назмурти ва цархІ.)
3. ВегІла някъли дарибти ваяхІ гъаладихъни.
4. Далуйти, делхъ, назмурти вегІла мезличил далахъни.

**ТяхІурти ва далдуцуни:** хІязла, баркъудила, мухІлила ва цархІ.

**Баянти ва чебаъла гІягІниахълуми:**

1. Халкъла някъбани дарибти ва гъар – урла ваяхІ.
2. ХІябкубти, айтуби, буралаби, къалабати гъай.
3. Дагъиста культурала къярд.
4. АнкІи.
5. Гъая

**I. БехІбихъуд.**

**II. БекІлибиубси бутІа.**

**III. Ахир.**

**Дарсла башри.**

Балбуц бетурхуси мер халкъла някъбани дарибти ва гъар – урла ваяхІли жагабарили саби.

*ДурхІни ва воспитательти ХІямшимала миллатла палтарличил  
бегІбиубли саби.*

**Воспитатель:** Салам, дурхІни! Нушала республикала халкъла  
тІабигІятличил дархдасунти дахъал миллатла гІядатуни ва байрумти  
дирутири.

Гъарил байрамла сунела хасси мягІна лебси саби ва гІядатуначил  
бархбасунси саби. Илдани адамтала ва тІабигІятла бархбалгундеш чебиахъули  
саби.

Цаибил гъаршла байрам Дагъистаннизиб бекІлибиубси хІебла байрамли  
кавлули саби.. ГІядатуни дални мезла даража ахъбирнила мягІничебси бутІа  
саби. Илдигъунти байрумти детурхахънили ва мяхІкамдирнили гъарил  
миллатлис урхІмешуахІенси, хасси жагадеш имцІадирули сари.

Нушани пахрубирулра нушала шантаци ва шила гІядатуначи. ИшбархІи  
нушала хІебла «Цаибил гъаршла байрам» саби. ХІеб дакІибхІели тІабигІят  
мицІирбирули саби, хІуркІби кІухдикІули сари, арцантала тІамрала иргъули  
асаби, далуйтала ва делхъанала макъамти зайдикІули сари.

- ДурхІни, хІушани хІебла сегъунти байрумти дурес даладаяв?

*(ДурхІнала жавабти: 8 март, 9май, цаибил гъаршла байрам ва цархІ).*

**Воспитатель:** Гъанна буралаби дурехІе!

БегІлара гІяваси. *(Ванза) (ДурхІнала жавабти).*

Гъариалра чекайсу,  
Ганзбиралра чекайсу,  
Сунес илда биркьутас  
Сунени гІяхІдеш биру. *(Ванза) (ДурхІнала жавабти).*

Унзализи кьутбикІар,  
Улкъайлизи вякьбикар,  
Дурав тІашизурсила  
Къапаличи хъямбикІар. *(ДягІ) (ДурхІнала жавабти).*

ХъанцІа заклизиб  
ВерхІрангла рахаж. *(ЗурхІяб) (ДурхІнала жавабти).*  
ВещІну кІира узи саб,  
Цалис гІергъи ца дуцІли,  
Гѐббаэс хІебирули. *(Бузри) (ДурхІнала жавабти).*

Яни мискин-дуцІрум давлачеб. *(Галга) (ДурхІнала жавабти).*

**Воспитатель:** Гъанна назмурти дурехІе. *(ДурхІнани назмурти дуру).*

ИшбархІи саб хъубзури  
Ургубалаб белгІули,  
ХъубяхІрумала «мукъра»  
Дубурти думхІяхъули.

ЧатІнира гегуглизи  
ХІядурбии дикІули,  
Нушачи архІя барес,  
Аргъа, лякърдикІули.

Маркни урзули сари  
БерхІи чехІебиусин,  
Нуранани каргъурли  
Забла мачнала баки.

Халати ва биштІати  
Тамашабирахъули,  
Забли урзули саби  
БерхІи хІербикІахъули.

Чис хІяжатсив ил марка,  
Дай хІерила замана?  
ДукелцІи дулхъулигу,  
Духули ахІен марка.

ХІямщимела щилизер  
Щинра дяргІибте дирар,  
Щин дяргІибте мерличеб  
Рурсбе къугъате бирар.

Хабарлизир дурибти  
ДяргІиб шина гІинзурбар.  
Далуйтазиб бурибти  
Исбагъи жага рурсбар.

Лусентала бухІразир  
Михъири делкІун къухъбар  
Бузерила мархълизир  
Саберхур зяхІматчибар.

**Воспитатель:** БерхИили ванза ванабарили саби. Гъанна анкИи дегIес замана дикили сари. Ил барахъес гъалаб нушани гъай бедлугехIе хIурматла хъубзар Исламлизи.

**Хъубзар:** Ассаламу гIялайкум, ахIерти юлдашуни! ХIущаб халаси баркалла набчи бирхала бихънилис цаибил гъарш каахъес. Нуни мубаракдирулрая лебилра хIуша иш хIебла байрамличил. Берхъибси, баракатла дус бакIаб. Дунъя даршули калаб, хабар гIяхIсила бикъаб. ГIяхIси сабухъ бакIаб ишдус нушала.

**Воспитатель:** Нушала хъубзарлис кумеклис МяхIяммад левкехIе.

*(Урчи дурайу, хъу балицули бехIбирхъу. Гъаришлизи анкИи иргъу.)*

*ДурхIнани ярга - яргали дуру гIяхIти гъай.*

*Дерхъаб, дерхъаб! Хъу дерхъаб!*

*Хъубзурела хъу дерхъаб!*

*БукIунна маза дерхъаб!*

*Жан дерхъаб, гIямру дерхъаб!*

*Дерхъаб, дерхъаб! Амин, амин!*

*Гъарш кIел декIла мурхъси биаб! Амин!*

*ДаКIалли даКIаб арцанти! Амин!*

*КIел къякъли кани лукъути! Амин!*

*Гъар луги бицIибси биаб! Амин!*

*МадаКIаб гъалакти заб! Амин!*

*Дерхъили даКIаб дегIнуби. Амин, амин!*

*Дегъдеш чемабааб ванзали. Амин, амин!*

*БерхIира забра цадалги дашаб. Амин, амин!*

*Я, Аллагъ, хъу дерхъаб!*

*Я, Аллагъ, чIукъяркъле, хIябкъяркъле хъу дерхъаб!*

*Ккуртта чIимрарле, бецI къялицубарле!*

*Дерхъаб, дерхъаб! Хъу дерхъаб! Амин, амин!*

*Дерхъили даКIаб хъуми, анкъи бицIаб анкIили! Амин, амин!*

*Ванзалла баракатли халкъ белкъаб! Амин, амин!*

*Зубрала ряхIматли ванза белкъаб! Амин, амин!*

*Ккурттала чIимиян урссем бухъенне! Амин, амин!*

*БецIла къялицян лукне дягIуле! Амин, амин!*

*Хъу дерхъаб! Хъали дерхъаб!*

*(Урчи арку)*

**Воспитатель:** ХІера, нушаб сецад гІяхІти гъай гъандикибал!

**Физкультминутка.**

Салам, дунъя! (някъби чеди ахъдуцес).  
Иш ну левра! (някъби михъирличи кадицъес).  
Ну алав дила улка! (някъби тІинтІдарес).  
Заклизиб берхІи ухули саби! (някъби ахъдуцес).  
Ванза къяшмауб саби! (къухІвиэс).  
Ит шайчир - вацІурби! (балуй шайчи шурвиэс).  
Иш шайчир - авлахъуни! (алгъай шайчи шурвиэс).  
Ишаб юлдашуни! (балуй шайчи бекІ шурбарес).  
Ишабра юлдашуни! (алгъай шайчи бекІ шурбарес).  
Салам, хъали - хІу бегІла дигусири! (къухІвиубли някъби тІинтІдарес).  
Салам, дила мер, хІу бегІла ихІарсири! (ахъвиубли някъби тІинтІдарес).  
Салам, дила улка! (някъби тІинтІдарес).  
Салам, дунъя! Ну къабулвараба! (2 р.)

**Хъярчи гъаяличивад вашули сай.**

**Хъярчи:** Ассаламу гІялайкум, ахІерти юлдашуни! ИшбархІи наб дигулла ватухъес ва хІуша лебилра разидарес. Нуни лебилра жидирулла аблизир бутІакъяндеш дарахъес!

**Воспитатель:** Гъанна нуша хІердилзехІе, чи саял вегІлара цІакъси. ХІера, дурабухъун нушала гъунарчиби. ХІердилзехІе, халал цІакъла вегІ чи саял!

**Абзла хІязани дехІдирхъу:**

1. ДуцІ.
2. Гъая зузбирни.
3. Гъунарчиби.

**Абзла хІязаназиб чедибикибтас хІурега - къуцІри дедлуга**

**Воспитатель:** Баркалла хІед, Хъярчи, гІяхІли разидарра хІуни нуша! Гъанна нушани далайра бучІехІе, делхъра дирехІе.

**ДурхІнани даргала далайра бучІа, хІямшимантала гІядатла делхъра диру - «Ярккам».**

*Ванни дахъ ахъ дубуртар,  
Шараб - шина гинзурбар,  
Авадай дерхъиб унхърар,  
Дила дигул Дагъистан.*

Авцали дус азадси,  
Шала зубарван ахъси,  
Сагал анхъла гулава,  
Дила дигул Дагъистан.

Къапланна ниъ дерхъибти,  
Чича урки деркунти,  
Арсланти абикъурси,  
Дила дигул Дагъистан.

**Воспитатель:** Жагаси далайра лебри, гIяхIти делхъра лерри. Духучанти!

**Хъубзар:** Гъанна нуни хIуша лебилра набчи гIяхIладли жидирулрая. Бугъа белгъи саби, хIинкIира садиули сари!

**Воспитатель:** Халаси баркалла нушала хъубзарлис. Арадеш бираб, даршал дуслу гIямру хIед, хIурматла хъубзар Ислам!

*Хъубзарлис хIурегари - къацI бедлуга.*

**Воспитатель:** ДурхIни, селичила гъайдикIули калунра нуша ишбархIи?  
Селичил тянишдиубра?

Се аргъира нуани? *(ДурхIнала жавабти).*

**Воспитатель:** Наб дигулра хIуша мурталра далгунтили, гIяхIдеш бирутили, цала цали хIурмат бирутили детаурли. ХIушаб гIуррара дахъал тамашала секIал дагъес чебиркур нушала хала бегIтала гъар - урла гIядатуначила. Наб гъанбиркулра, чумал дус дикили гIергъи, Дагъистан гъалабахI арбукес хIушанира халаси пай кабирхъида или.

**Баркалла лебилралис!**

